



Rasvijetljeno krivično djelo izazivanje opće opasnosti i pronalazak droge

Radeći na rasvjetljavanju krivičnog djela izazivanja opće opasnosti od dana 21.06.2020.godine u 18,15 sati, na raskrsnici ulica Džemala Bijedića i Srđana Aleksića, općina Novi Grad Sarajevo, kojom prilikom je povrijeđen B.G. iz Sarajeva, policijski službenici Četvrte PU su došli do saznanja o licima koja se mogu dovesti u vezu sa navedenim događajem. Dana 22.06.2020.godine slobode su lišena sljedeća lica: M.S., rođen 1997.godine, E.Đ., rođen 1996.godine, G.B., rođen 1998.godine, svi nastanjeni u Sarajevu, zbog postojanja osnova sumnje da su počinili krivično djelo iz člana 239. stav 3. KZ F BiH (Posjedovanje i omogućavanje uživanja opojnih droga) i J.S., rođen 1997.godine, nastanjen u Sarajevu, zbog postojanja osnova sumnje da je počinio krivična djela iz člana 323. i člana 239. KZ F BiH (Izazivanje opće opasnosti i Posjedovanje i omogućavanje uživanja opojnih droga). Izvršenim pretresom stana koji koristi B.G. u ulici Džemala Bijedića, općina Novi Grad Sarajevo, pronađena je i oduzeta određena količina materije koja asocira na opojnu drogu marihuanu i opojnu drogu spid, metalna drobilica, kao i 14 metaka nepoznatog kalibra. O prednjem je obaviješten dežurni tužilac Kantonalnog tužilaštva Kantona Sarajevo. Nakon završene kriminalističke obrade, navedena lica su otpuštena iz službenih prostorija. Policijski službenici tragaju za licem F.P. iz Sarajeva, zbog postojanja osnova sumnje da je počinio krivična djela iz člana 323., člana 293. i člana 173. KZ F BiH (Izazivanje opće opasnosti, Oštećenje tuđe stvari i Lahka tjelesna ozljeda).

23.06.2020